

# Советск Союзин партийн-правительственн делегац Чехословакд одлгън

Чехословацк республикин делегац 1957 джилин январь сард Москвад йрхдән, Чехословацк Коммунистическ партин Центральн Комитет болн Чехословацк Правительств, КПСС-н болн Советск Правительствин гардачнриг гиичлдж иртхә гидж сурджахиг келсн бәәсмн.

КПСС-н ЦК болн СССР-н Правительств тер үрлгъиг авсн мөн.

Ода Советск Союзин партийн-правительственн делегац Чехословак ордж одв. Делегац Москвагъас июлин 8-д гарч йовб. Делегацин ханьд йовхнь: КПСС-н Центральн Комитетин негдгч сегләтр Н. С. Хрущев, СССР-н Министрмүдин Советин ахлач Н. А. Булганин, СССР-н газадин керг-төрин министрин негдгч дарук Н. С. Патоличев, Коммунистическ партин Украина Центральн Комитетин сегләтр О. И. Иващенко, ВЦСПС-н ахлач В. В. Гришин, Чехословакд бәәх СССР-н посол И. Т. Гришин.

Советск Союзин партийн-

правительственн делегац июлин 9-д Чехословак—СССР хойрин меджә деер бәәх Чьерна-Тиссе станцд ирхлә, Чехословакин Коммунистическ Партин ЦК-н негдгч сегләтр А. Новотный, ЧКП-н член, Правительствин ахлачин дарук В. Копецкий, ЧКП-н ЦК-н Политбюрон член Р. Барак туслнъ поездар ирдж тосдж авцхав.

Июлин 10-д СССР-н партийн, правительственн делегац Чехословакин хотл балгъснд—Прагд ирцхäv. Күндтә гиичнриг Чехословакин партин болн Правительствин гардачнр, хотл балгъсна кесг зун минъгън улс уульнцд гарч, ик гидг байрта ханлттагъар тосцхав.

Советск гиичнрт нерәдгддж вокзал деер харул зогсагдв, Советск Союзин болн Чехословацк республикин государственн гимн татгдв.

Вокзал деер Чехословацк Республикин Президент Антонин Запотоцкий болн КПСС-н Центральн Комитетин сегләтр Н. С. Хрущев босдж үг келцхäv.